

նէին աւելի քան զամս 100, յորս բացայայտ գրեալ էին
 թէ՛ վանք Ս. Յակոբայ է սեփական ժառանգութիւն
 ազգին Հայոց, և նոքա տիրեալ են նմա ըստ տրամադր-
 ութեան մուհակաց եւ հրովարտակաց: Եհարց նախա-
 րարն ցղեսպանն եւ ցփողովեալն Վրաց, ունի՞ք և դուք
 դիրս ինչ 'ի վկայութիւն վանացս՝ թէ լեալ իցէ սեփական
 ազգին Վրաց. և նոքա ոչ կարացին մատուցանել թուղթս
 ինչ վասն այնր: Ասլա ելեալ 'ի վանաց Ս. Յակոբայ գնա-
 ցին քաղմութեամբ 'ի տաճարն Ս. Յարութեան, եւ ելին
 յաստիճանացն 'ի վեր 'ի Գողգոթայ, շինեալ յերկուց քա-
 րուկիր ձեղունաց ձգեալ յարեւելից յարեւմուտս, առանց
 անջրպետ որմոյ՝ և 'ի միջավայրի մոյթ մեծ և հաստատուն
 շինեալ 'ի քարանց, մին 'ի ձեղունացն է 'ի կողմն հարաւոյ,
 և միւսն 'ի հիւսիսոյ, և յերկաքանչիւրսն կանգնեալ սե-
 ղան յարեւելս, ըստ սովորութեան եկեղեցեաց քրիստո-
 նէից, ձեղունն հարաւային է 'ի ձեռս Լատինաց, իսկ հիւ-
 սիսայինն 'ի ձեռս ազգին Վրաց, 'ի վերայ այսոցիկ տեղեաց
 էր հակառակութիւնն 'ի մէջ երկուց ազգաց: Եհարց նա-
 խարարն ցփողովեալն Վրաց, ունի՞ք թուղթս ինչ 'ի վը-
 կայութիւն սեփականութեան տեղեացս. և նոքա մատու-
 ցին զհրովարտակն Մէլիք Աշրաֆայ, գրեալ առ թագա-
 ւորն Վրաց, իմաստն էր, « Եկն նամակ 'ի թագաւորէն
 Վրաց, և խնդրէր բնակեցուցանել զազգն իւր յերուսա-
 ղէմ՝ յեկեղեցին Ս. Յարութեան, և մերժել անտի զազգն
 Հայոց և զայլ քրիստոնեայս: Իսկ Մէլիք Աշրաֆ կատա-
 րեաց զխնդիր նորա եւ դարձոյց զեկեղեցին զայն ազգին
 Վրաց, եւ կարճեաց զձեռս Հայոց եւ այլ քրիստոնէից
 'ի տեղւոյն յայնմանէ. եւ համեմատ այսմ գրեաց նա եւ
 առ դատաւորն Երուսաղէմի, 'ի ՎՊ Շէվվալ ամոյ՝ ԼՄԴ,
 (1432): Մատուցին զհրովարտակն երկրորդ, Գրեալ 'ի
 Մէլիք Զահր Զազմագէ, առ թագաւորն Վրաց, այսու ի-
 մաստիւ, եկն թուղթ 'ի թագաւորէն Վրաց, յորում խընդ-
 րէր 'ի գթութեան մերմէ սիրով խնամել զազգն իւր եւ
 զեկեղեցականս, որք բնակին յերկրին Իսլամաց, և գրեցի
 զհրովարտակս 'ի շնորհս քրիստոնէից 'ի ժամանակի յայս-
 միկ, յորում նստէին 'ի բարձրագոյն դուռն մեր: Սակայն
 քրիստոնեայք՝ Վիրք և եկեղեցականքն, արարին որ ինչ ար-